

仙

都

志

仙都志序

彊理之書聲於禹貢而具於職方然

乘此仙都志所由作也仙都東吳勝事在道家書為
祈仙洞大爰自發蹟軒轅由唐建宋錫名薦祉符瑞
屢臻聖朝廷祐間貞士趙虛一載奉璽書來領登事
山川草木昭被寵光獨峰鍊谿若增而高浚而深也
住山陳君此一載筆於編沿革瑰奇鉅細畢錄其有
功茲山者歟吾聞蓬萊在望而風輒引去桃源既入
而路忽迷則名山大川豈人人之所能周覽哉此編
日擊道存可以卧游矣至正戊子五月既望

仙都志卷上

玉虛住山少微陳性空

獨峯山長番陽吳明義仲誼校正

山川

仙都山古名縉雲山按道書洞天三十六所其仙都
第二十九名玄都祈仙洞天周迴三百里黃帝駕
火龍上升處山巔有石屋世傳為洞天之門史記
載縉雲本黃帝夏官之名張守節云括州縉雲縣
其所封也太平寰宇記唐置縉雲縣又以括州為
縉雲郡蓋以其地有縉雲山故也今縣在山之西二

十三里圖經云天寶七年六月八日有綵雲起於
李溪源覆遶縉雲山獨峯之頂雲中仙桑響亮鸞
鶴飛舞俄聞山呼萬歲者九諸山皆應自申至亥
乃息刺史苗奉倩上其事於朝勅改今名

獨峯山一名仙都石謝靈運名山記云縉雲山旁有
孤石屹然千雲高二百丈三面臨水周圍一百六
十丈頂有湖生蓮花有巖相近名步虛山遠而望
之低於步虛迫而視之步虛居其下舊東陽記一
名丹峯山昔黃帝嘗乘龍車登此山轍跡猶存自
唐白樂天以下古今名賢留題有什

步虛山在仙都山前正與

峯掩映又有小峯列如北斗名曰斗巖謝靈運名山記云中巖上有峯高數十丈或如蓮花或如羊角古老云黃帝嘗鍊丹於此劉澄山水記云縉雲臺黃帝鍊丹之所輿地志云縉雲堂即三天於都山巔平敞有若壇蟬是其地也

童子峯在獨峯側其狀如筍獨峯之腰有竅若臍此峯平臍故名括蒼舊志云獨峯山旁一石峭立謂之童子峯

好山在仙都山西初陽谷左宋紹興間轉運使李士舉

嘗遊仙都過徐氏山居賦詩有華屋重重對好山之句由是得名後晦庵朱先生弭節於此其名益著

隱真洞在步虛山巔與獨峯相對洞口巖石玲瓏宛若牕牖峻絕難躋罕有到者按郡志云唐劉隱真先生修煉之所

仙水洞在步虛山麓郡志一名鏡巖洞中有泉出自崖竇間滴於石池雖大旱不竭唐周景復先生修煉之所名公磨崖記遊者衆

金龍洞在步虛山東中有二洞相連通明開敞舊志

投金龍王簡於其中

天堂洞在仙都山東雙龍洞左高峻人跡罕到洞中石壁正面列二圓穴右者淺而左者深有龍居之早禱必應洞旁又二石窪左者水清常溢右者水濁或縮名日月泉山後別有一洞俗呼為天堂山內築精舍篇曰清虛

忘歸洞在仙都山而可坐數十人洞外有石聳出溪流之上遊者登覽盡得仙都之勝使人忘歸名忘歸臺

初陽谷洞一名倪翁洞臨於練溪之上左右巖石奇
怪對望獨峯郡志云谷在仙都山西初入頗陰隘
少進有石室洞房虛敞可居以東向先得日故名
初陽正東石壁有竅大如盤孟初陽光射室中爛
然五采其外晴波萬斛有如縣金或云倪翁洞在
縉雲縣東半里訛也宋嘉泰間郡人陳百朋續志
云洞正屬仙都山練溪旁初陽谷中崖上有洞名
三大字或云李陽冰篆今考谷中有磨崖初陽谷
三楷字倪翁洞三篆字古老相傳昔有倪長官隱
居於此今失其名宋乾道間郡守錢等題仙都詩

云初暘便是扶桑谷洞裏倪翁招我來則知倪翁
洞即初暘谷明矣又曰雲堂洞右山中巖洞固多
自來唯六洞著名

雙龍洞在獨峯之東靈澤廟左盤石橫跨山澗中其
下空洞通人雖大旱清流不竭宋紹興間久旱玉
虛道士游先生望雲氣至其所見二巨蛇盤旋石
下飲水不去遂祝之雷雨隨至合境霑足由是得
名立祠祀之洞內左有陰穴橫穿而上昔嘗有人
明炬而進莫窮其源至會旱禱必應時行沛澤或
見雷光洞前澗水深處即古所謂游龍泓又曰龍

泓洞宋人胡志通大魁王十朋 俱有題詠

伏虎巖在獨峯之西書院之右有小石山如虎踞伏

一名駐獅巖

翔鸞峯在獨峯之南回瀾亭左山巔有二石狀如鸞
鶴展翅翔舞俗呼為了义巖

靈龜石在獨峯之北仙都界石之旁山麓有巨石倚
立宛若大龜昂首而上鄉人驗其燥濕以占雨

賜

小蓬萊在練溪之下按郡志云在仙都之西潭心有
小島上多怪石奇樹潭之南有石壁高可百仞

石公錫歌詠於崖以記登覽之勝遊者泛舟而入恍若蓬瀛之境參政四明樓公鑰大書小蓬萊三字刊於碑以亭覆之今廢傍有合掌洞可容數十人石壁高處橫列十餘穴若璣貫徂名大徂巖其東復聳一巖上廣下欽曰雨簑巖

小赤壁在刊石潭上按郡志云在仙都之東瀕溪壁立高可千尺峰巒奇秀壁下空洞潭水凝湛莫測其深泛舟而遊迥出塵外邈流一舍餘亦有一巖郡人參政何公澹書小赤壁三字磨於崖雖地異而名同故併錄於此

仙釋巖在小赤壁之西岸有石挺然森列於溪之許間有狀如仙人釋子之像者玉虛山地多在其側而古籍常以仙人石為界

黃鵠亦巖在仙都山之東麓有崖壁立橫亘數十尋巖竇豁豁色絢五彩遠望如雲錦近視若霞綃今土人立田社於巖下

天師巖與赤巖對峙巖下有洞可立二十人內有陰穴直下通於溪古老云昔人值旱往元真護國天師祖廟請香火於茲致禱獲應遂建殿於洞前因名其巖厥後殿址蕩於水至今鄉人猶望洞而祀

之

東蒙巖在初陽谷左有石低昂奇怪聚立於深潭之濱巖下可以泛舟海上有仙山曰東蒙秦嶽之南山名東蒙此巖之名莫詳所出或云巖正朝東大陽將暉水光互映而曰東蒙亦取初陽之義二字未知孰是

玉甌巖在初陽谷右山半有石突起如甌巖下有穴宛若竈門天將雨則巖上霧氣如炊溪流暴漲則門內有如釜沸之聲括蒼舊志云一名碧雲洞天號張公竈莫詳所由

楊郎洞在初陽谷後驛道之旁洞中高下一級可容
二十餘人古老相傳昔有楊郎居此以符藥濟惠
於往來者後人思之立祠於中

仙巖洞在好山之北仙巖市上山半有洞深曠高明
可立百餘人今市民立田社於中

梯雲洞在仙都山西與雨袁巖對峙巖下空洞若磴
自山根循至山腰長六十餘丈一名長亭其上深
敞處土人嘗構屋於中近廢

鼎湖即獨峯頂上湖也嘗生蓮花按唐宋以來名公
題詠並以鼎湖稱之

鍊金溪源出大盆山至仙都則名鍊金水中有石與
獨拳之根連續一片其平如砥兩岸相望濶三十
餘丈而水深僅尺許按郡志仙都之里曰鍊金里
溪曰鍊金溪渡曰鍊金渡然莫考其所出據唐韋
廌仙都山銘曰丹穴傍起金溪下融又唐隱真先
生玄壺志曰鍊金溪畔足以濯纓則鍊金之名古
矣

金華潭在鍊金溪下深處古老相傳鼎湖金蓮花瓣
嘗飄墜於此因而得名

練溪在金華潭之下水光若練故名按郡志云在仙

都之西初陽谷洞前水中有大人跡犬馬蹄痕又有石井深不可測

丹井在玉虛正殿之西南隅隱真先生嘗汲以鍊丹至今泉清味甘冬溫夏寒雖旱潦不枯溢

玉泉池在雙龍洞下其色玉潔

放生池在玉虛宮外以豬澗水既廣且深自昔為放生之所其一在妙庭觀前

天塘在天堂洞後山頂冬夏不竭

梳水瀨在小蓬萊上大溪中兩岸相接唯片石狀欄闊三十餘尋水落石出之時餘波分派而流

以渡俗呼為福轅巖

幞頭石在鍊金溪中以狀似而名之

祠宇

玉虛宮在仙都山中即玄都祈仙洞天黃帝飛昇之地自唐天寶戊子以獨峯綵雲仙樂之瑞刺史苗奉倩奏聞敕封仙都山周迴三百里禁樵採捕獵建黃帝祠宇歲度道士七人以奉香火宋治平乙巳改賜今名宣和庚子毀於寇道士游大成廼即舊基再謀營造時宮東坐西向陰陽者流謂虎瞰而角法宜改為景定庚申郡守安劉取朝旨命道

士陳觀定遷宮地向不朞年而告成元延祐庚申
道士趙嗣祺欽受宣命佩服頒降處州路仙都山
玉虛宮提點所五品印章主領宮事再奉璽書護
持改復甲乙及蒙集賢院暨天師正一教主大真
人特進上卿玄教大宗師各給榜據伴永遵守由
是宮門增重舊觀 本宮殿宇開列於左

金闕寥陽寶殿郡人葉嗣昌書額

黃帝祠宇唐縉雲縣令李陽冰篆額

飛天法輪藏殿宋朝乾道己卯道士李伯祥初立法
輪規模宏美郡人陳沂書扁

天一慶真行宮

三元三官聖堂

梓童帝君行祠

洞天仙官祠

玉虛真宮祠

衍教堂郡人何偁書扁

隱真堂韓永錫書扁吳俊嘗留題今奉鍾呂諸仙像
方丈扁曰天開圖畫文公五代孫朱熹九歲書

風雨堂吳興趙孟頫書扁

金蓮館蜀郡虞集書扁

玉虛宮門東陽趙霆篆額

祈仙洞天門邑人潛說友篆額

仙都山門趙孟頫書額

片雲亭取樂天片雲孤石之詠為名

回瀾亭在金華潭上郡人何宗姚書扁

仙都蛻軒

競秀軒

擷芳軒

練玉軒

駐鶴亭在洞天門外

照水亭在放生池上

忘歸亭在忘歸洞前

妙庭觀在仙都山東金龍洞上唐咸通元年隱真劉
先生所建又築玄墟於其後乾符三年門人朱惠
思詣闕請觀額蒙錫以仙都之號景福元年江東
羅隱作記宋治平二年改賜今名元皇慶元年玄
妙葆真道士陳懷玉欽奉璽書復為甲乙世襲香
火由是振興

獨峯書院在鍊金溪西正對獨峯宋淳熙壬寅晦庵
朱先生持常平節上疏劾台守未報徜徉於此山

以伺朝旨有於此藏修為宜之語紹定戊子郡人
開國葉公嗣昌始就此初禮殿為講貫之所咸淳
丁卯邑人尚書潛公說友即舊址而廣大之基址
並係王虛山也

靈澤廟在雙龍洞前即雙龍之靈郡志云宋咸淳七
年知縣陳紹若禱雨有感保奏勅賜廟額至今士
民祈雨輒應古廟甚隘恒定新之

趙侯廟在仙都山西梯雲洞側按郡志廟在仙都鄉
一方咸敬奉之侯乃後漢趙炳也廟前有石如船
郡志云石有如舟者俗呼為趙侯船或如杖如履

如甕皆以侯名按東漢方術傳趙炳字公阿東陽人能為越方貴尚清儉祀神以東流水為酌削桑皮為脯療病皆除東入章安今台州也百姓神服既殘遂立祠焉至今蚊蚋不入又傳註曰炳故祠在婺州永康縣東俗呼為趙侯祠江南猶傳趙侯禁法以療疾云今正一宗壇給趙侯禁氣籙即此所謂趙侯禁師者是而歷家亦有趙侯化日又按東陽志永康縣烏傷侯廟乃後漢趙炳也事與史同縣徑云仕漢至大將軍廟無碑碣可考但有古隸書烏傷侯廟數字又郡志青田縣靈康行祠即

縉雲縣趙侯廟也初侯廟食於台州臨海縣白鶴山宋元豐七年賜額積封靈順顯祐廣惠咸烈王今按縉雲沿革唐聖歷元年析括蒼縣今麗水也及永康縣地置縉雲縣此廟至永康界纔半舍考之此地實永康故地神之顯靈無所不在雖鄰邑皆有祠無如此廟有石像可表至今廟中無蚊蚋境內不生姪蠹水旱疾疫禱之必應豈非祖廟耶

神仙

景復周先生仙都道士也唐大歷間居仙水洞中辟

穀宴坐百有餘年後仙去今玉虛宮有石刻陸龜
蒙題鏡巖周尊師所居詩并序可考今錄之處州
仙都山山之半有洞下望之如鑑目之曰鏡巖去
地二百尺上者以竹梯為級中如方丈內有乳水
滴瀝黃老徒周君景復居焉迨八十年不食乎粟
日唯焚降真香一炷讀靈寶度人經而已東年既
公柯昔為州之日聞其名梯室以造之且曰君此
久矣乳水之滴晝夜可知量乎周君曰某常揣之
盡晝與夜乃一斛加半焉公異而禮之後柯別十
三年處人過說周君尚存吟想其道無由以觀因

寄題詩云見說身輕鶴不如石傍無侶共雲居清
晨自削靈香柿獨夜空吟碧落書十洞飛應遍吸
一莖秋髮未曾梳知君便入懸珠會早晚東騎白
鯉魚著作郎皮日休和詩云八十餘年住鏡巖鹿
皮巾下雪髭髭床寒不奈雲縈枕經澗何妨乳滴
函飲澗猿回窺絕洞緣梯人歇倚危杉如何計吏
窮於鳥欲望仙都舉一帆

括蒼舊集所載
與石刻同

隱真劉先生名處靜字道游沛國彭城人其先避地
遂昌因家焉世宗儒業先生幼而穎悟博覽郡書
遊涉名山得遇至人授以吐納之道嘗召見賜緋

衣退居仙都山隱真巖結廬金龍洞側觀今妙底弟

子數百人有自遠方來謁者無虛日門人欲塑其

像一日有嗜酒道人來成之先生留飲旬日以黃

金三十銖贈其行相送金龍洞前約先生曰子歸

首視硯下及回乃得片紙書云子與吾金吾授子

真真抱子形形金子神十六字裏元金在焉於是

頓悟遂預築玄墟於廬後自謨其志咸通十四年

六月辛酉解化當日歸封玄墟刺史盧虔虔贊其

像曰至靈之精大道之淵其朴靡散其神則全嗟

夫世人嗜欲馳役故使元胎莫留瞬息惟師恬泊

萬慮泯泯豈有一物能奸至真伊厥形氣尚資蛻
捨胡為神人土隅為者後數年有鄉人於襄漢間
見之語其弟子啓墓視之所存惟杖履二事蓋尸
解也今空墓在妙庭觀後復有塑像贊云返一無
迹神之又神遺此塑像非先生真先生之真不存
此身出有入無莫與之親事跡出郡志贊頌出括
蒼舊志

仙都志卷上

仙都志卷下

玉虛住山少微陳性定此一編集

獨峯山長番陽吳明義仲誼校正

高士

仙都乃祈仙洞天高尚之士代所不乏自宋宣和以前玉虛厄於寇固不可考厥後若游大成等徃徃闡揚宗教增重山門盛德清名用叙其要

游大成樂成人宮因寇燬獨力重完克紹前猷發明後學尤精地理之術自卜壽藏於仙都之支山誓曰吾家猶子枝孫世世紹襲當為天人師後果符

仙者三十一
是言傳之八世至宋末墳為土窟所侵而游氏殆
絕焉

樓大度黃見素皆邑人不扇真風廣彰玄教

李伯祥劍川人道風高古增建飛天法輪甲於

折左

劉延用少微人奏免浮稅武若冲同門友表樹玄勲
洪端木號高溪葉葆和號竹澗詹虛一號寄庵陳觀
定號楚山皆麗水人四世師弟子也襲大之正傳
皆玄門之領袖楚山君改易宮向勲蹟尤多

林天任號橫舟昆陽人昔授修職郎際陵谷變遷歸

心玄學遂揀摭道典黼黻教科屢闡黃籙大齋嘗
於施鍊之夕顯大神光烜赫九色五天徹地民具
爾瞻

謝天與號蘭谷金華人精崇道法弘贊宗乘如禱而
祈晴興雷代廟不動聲色如響斯答人到於今稱
焉

徐元璿號梓林麗水人為玉虛道士宋景定間應詔
祈雪用粉筆書青紙為五出者以進曰翼日辰時必
雪皆五出及期果然賜號紫微惠濟先生事具郡志
元以好人召天師尊其道俾領玉虛以養壽大德甲

辰無疾羽化留偈曰本是蓬萊仙子住世七十九
年笑指鼎湖歸去洞觀無碍蒼天

趙嗣祺字虛一龍泉人幼學道玉虛既壯遍遊名山
再參南谷杜真人觀光上國名公鉅卿無不敬愛
欽受宣命賜印視五品甲乙住持實始於此又數
欽捧御香馳驛淮蜀荆襄江浙湖廣閩海思播等
處後住集慶大元興永壽宮湖州計籌山昇元觀
平江白鶴觀累奉綸音錫號玄明通道虛一先生
教門真士至元後庚辰冬解化於白鶴藏劍履於
計籌

李德寧字寺一括城人嘗判三衢道教主貳王虛四十餘年興廢補弊為已任至元庚寅免稅之功尤著至正乙酉正月乙未忽索褚筆書偈云抱德而寧守一而成天空月明逍遙上清書已擲筆而化草木

金蓮花按郡志仙都山孤石撐空石頂有湖生蓮花古老相傳嘗有金蓮花瓣飄落

龍鬚草產於獨峯崖上舊志云黃帝駕龍上昇羣臣攀龍鬚而上鬚墜化為草

壽松古柏生於獨峯之頂木皆合抱四時長青可見

獨峯有鼎湖之潤深也

草木可藥者往往見山翁野叟採取形殊味別莫識其名今按本草載所有者雖非土產亦不廣生姑列其品目於後以表名山之嘉秀云

黃精

菖蒲

菊花

天門冬

麥門冬

車前子

地黃

牛膝

薯蕷

薏苡仁

巴戟天

石斛

枯樓根

菴蘭

卷柏

草龍膽

旋覆花

草決明

芎藭

青蒿

絡石

茵陳蒿

石香薷
紫金藤

藍實

景天

葛根

石龍薊

仙靈皮

藏靈仙

苦參

當歸

通草

常山

何首烏

忍冬藤

芍藥

瞿麥

狗脊

山豆根

草薺

蓖麻子

金星草

天南星

仙茅

菰揆

艾葉

馬兜鈴

馬蹄香

劉寄奴

半夏

大青

剪草

莎草根

白欬

續隨子

穀精草

骨碎補

王瓜

射干

雞冠子

覆盆子

商陸

稀莨

鶴蟲

萱草根

夏枯草

菜耳實

馬勃

澤蘭

茵芋

紫河車

五味子

白朮

大汗

王不留行

防己

杜藜盧

羊蹄

大小薊根

細辛

鬼舊

水萍

香薷

紫蘇

鬼箭羽

薄荷

木蓼

馬片

淡竹葉

馬齒莧

冬葵子

沙參

紫葛

葫蘆

燈心草

三白草

牛旁子

苧根

菰根

著草

甘蔗根

馬鞭草

地膚子

杜著

白蒿

桔梗

蛇莓

旱蓮草

草烏頭

松脂

楓脂

柏實

五加皮

地骨皮

桑白皮

楮實

槐實

橡實

五倍子

枸杞子

郁李仁

烏藥

黃蘗

茱萸

山茱萸

金櫻子

金鈴子

木槿

阜茨

苦榛

苦楝

練子花

蔓荊子

石楠

鈎藤

梔子

烏桕木

擇木皮

水楊葉

秦椒

乾漆

杉材

稻米

栗

白扁豆

赤豆

綠豆

大麥

小麥

白油麻

甕子粟

梨

棗

藕實

鷄頭

石榴皮

栗楔

桃仁

梅實

柿蒂

藤梨

枇杷葉

葱實

白蒞

苦蕒

水芹

烏芋

苜蓿

菰

蒜

芥

韭

薺

碑碣并題詠

黃帝祠宇石刻四大字唐繆雲令李陽水篆碑石元

在玉虛宮後為縣人輦置邑庠慶曆間於碑陰刊

毛維瞻所撰學記今石尚存焉

唐韋瓘撰仙都山銘潛說友篆潛前宋人

唐刺史李季貞撰仙都山銘趙必愿篆趙前宋人

唐陸龜蒙題鏡巖周尊師所居詩并序

宋治平二年改賜玉虛宮勅黃及省劄部符刻石

錢塘吳說陪郡守劉大中遊仙都記

通判丁宗旦題仙都山玉虛宮詩

郡守謝伋和運使李士舉詩

郡人項鶚撰玉虛宮免稅役記

大學尚書鄒景初遊玉虛宮詩跋

太常寺簿吳夫韶贈知宮詹虛一詩

杜晦之遊仙都記

郡守趙必愿遊仙都記

柳守安劉判申請改官向狀

邑人潛說友撰重建玉虛宮記

邑令吳祖文題獨峯詩

仙居陳仁玉遊仙都詩弟邑令紹若跋已上錢塘吳
說至邑令紹若俱宋時人

元縉雲縣尹石谷謝雷使徐元璿祈雨詩

元璽書大護持玉虛宮復甲乙正副全文刻石 已上
並在玉虛宮

隱真劉先生玄墟碑志

元璽書護持妙庭觀復甲乙正副全文刻石 已上右
妙庭觀

轉運使葉清臣撰獨峯山銘磨崖於峯下慶曆間運
使馬尋皇祐間運使蘇公舜元元豐間少保趙清
獻公抃及前後名公四十餘人各記遊山歲月並
磨崖於仙水洞中

慶曆間邑尉毛維瞻陪轉運使留瑜遊仙都記磨崖

於步虛山麓

嘉祐間會稽沈紳宣和間開封劉公長卿紹興間錢塘虞公似乎及前後名公二十餘人各記遊山歲月並磨崖於初陽谷中

紹興間郭契敷蔣善昭趙善詩揚景奉詔詣仙都祈雨記磨崖於鏡巖

嘉定間留元剛郭嘉卿等遊仙都記磨崖於初陽谷外石壁上

小蓬萊三字四明樓輪書立碑在山中

邑人黃邦彥題獨峯詩磨崖於童子峯

邑令王臺小蓬萊歌磨崖於石壁已上轉運副使葉清臣至邑令王臺俱宋時人

仙水巖三楷字磨崖

初陽谷三大楷字磨崖於谷中

倪翁洞三大篆字或云李陽冰書磨崖於洞前

隱真洞三篆字金龍洞三篆字天堂洞三隸字忘歸洞三楷字並磨崖於其洞

右山中碑碣磨崖名目已見於前今摘其銘記畧存於後所有古今名公題詠詩集另刊

都山銘

唐韋顒撰

亭亭山都峻極維嵩屹立溟右削成浙東發地直方
磨霄穹崇靈沼在上祥雲積中圭莠什仞柱靈四封
目視不及翰飛靡窮群鳥奔走列仙會同黃帝彼訪
碧嶺是冲丹穴傍起金溪下融日照霞附月映綃蒙
壤絕棲塵木無寓叢居幽不昧守一而雄萬壽報響
九成來空嘉名未復展禮斯洪錄作懲止年祈感通
莫高匪茲造物之功

玄混播形厚載孕靈雄冠群山孤高亭亭挺立參天
氤氲青冥嵐凝丹穴霞馭雲屏上磨九霄旁礙五星

龍髯莫覩鳳管時聽降自穆武之靡寧徒聞荒政曾
不延齡物有殊異昔人乃銘爰勒斯文縉雲之垠

張鷟撰

仙都有山山出萬山直上千尋入煙霞深圓如笋抽
高突雲陰標表下圍權輿象帝日歟月歟萬有千歲
東西大鎮川澤四衛造化無垠莫知往制晴嵐依依
宿霧洞開髣髴有像神仙下來灝氣氤氲靈鳥環迴
永殊塵雜不鼓纖埃絕頂霄嶠澄湖在上人罕戾止
孰闕其狀日燭雲披風飄液飛如雨雨空微灑雪衣
谷來松音潭影曙暉往往鶴唳不知所歸唐垂百年

玄宗體元響應萬歲聲聞上天帝祚明德祠堂
在焉永懷軒后功成此地丹竈猶存龍昇萬里事
列方誌道高青史無復仙容雪流溪水百越之內
此山為大恍若壺中疑生象外直而不倚高而不殆
古往今來獨立滄海

宋轉運副使葉清臣撰

黃帝車轍馬跡周遍萬國丹成雲起因瑞名山則獨
峯之登固宜有是會將漕二浙行部括蒼道士仙都
親訪靈跡慨然感秦漢之不自度也駐馬溪上勒銘
山陰

於黃顯思道崇帝先隆三邁五功豐德全脫履厭
世乘雲上天縹彼飛龍格於皇天虐秦侈漢鑒兵
事邊流痛刻下溺祚窮年忘是古訓跋於巖顛宜
爾靈仙孤風歸然

題詠

中書舍人白居易樂天

黃帝旌幢去不回片雲孤石獨崔嵬有時風激鼎湖
浪散作晴天雨點來

前進士徐凝

天地茫茫成古今仙都凡有幾人尋到來唯見山高

下只是不知湖淺深

運使起居舍人曹唐二首

蟠桃花老華陽東軒后登真謝六宮
旌節暗迎歸碧落笙歌遙聽隔崆峒
衣冠留葬橋山月劍履將隨浪海風
看却龍髯攀不得紅霞零落鼎湖空

黃帝登真處青青不記年孤峯疑礙日
一柱獨擎天石怪長樓鶴雲閑若有仙
鼎湖看不見零落數枝蓮

江湖散人陸龜蒙魯望題鏡巖周尊師所居

見說身輕鶴不如石房無侶共雲居
清晨自削靈香柿獨夜空吟碧落書
十洞飛精應遍吸一莖秋髮未

曾梳知君便入懸珠會早晚來騎白鯉魚序載仙都
志中鏡巖即仙水洞

太常博士皮日休襲美和

八十餘年住鏡巖鹿皮中下雪髟髟床寒不奈雲縈
枕經閨何妨乳滴函飲澗猿回窺絕洞緣梯人歇倚
危杉如何計吏窮於鳥欲望仙都舉一帆

兩浙轉運副使李建中

巖巖仙都山肅肅黃帝宮巨石臨廣澤千仞凌高穹
肇當融結初全得造化功深可蟠厚壤峭疑截冥鴻
雲翥去路存丹鼎遺迹空抽澗草心碧敷香蓮葉紅

升龍扳矯矯飛鳳鳴嚙嚙而我集仙署嘗比瀛洲雄
星移婺女間風駕析木東到覺毛骨爽坐如羽翼冲
萬事皆氛埃一氣歸鴻濛遐哉上聖道邈與玄化同
金簡莫至誠玉書銘代工功成解冠劍棲息期此中

郡倅梁鼎

黃帝升天石高名壯斗牛孤根斜照水寒色不知秋
藐與郡峯並圖如一笋抽曉妨殘月下晴碍落星流
危定勝崑閬登應見沃洲愛深無盡處日極更遲留

起居舍人轉運使孫何首

貝闕琳宮紫霧深鳳凰仙樂尚惜惜鼎湖往事三千

載石筍青春一萬尋挺立不教凡草長削成應免俗
塵侵霓旌絳節知何處空有蓮花送好音

薜荔無因掛一毫化工鐫削亦應勞圭形直指明河
落桂影遙分漲海濤發地五十何足貴去天三百朱
為高軒轅轍迹今猶在牛上丹梯著羽袍

黃帝升天去不還空留片石在人間千尋杳杳撐紅
日高古戕戕出衆山濕霧好花宮女困倚雲喬木羽
林閑時人不信飛昇路轍跡龍髯竟可攀

刺史王含章

三年為郡仰靈蹤咫尺無因到此中長是徘徊看圖

畫果然。嶠崿在虛空。雲歸湖頂塵難染。鶴立松梢路
莫通。春過碧溪人翫少。古壇牢落雨濛濛。

郡人太常丞周啓明昭回首二

鼎湖深幾許。斗立向空牢。霹靂削不得。芙蓉生更高。
飛昇須駕鶴。負荷欲憑鰲。千仞何當繼我曹。

又

崧亢撐天一柱雄。遙看高與步虛同。待登絕隴觀華
頂。又見巍巍峻挿空。

大常博士直史館知郡曾會首二

時常展畫圖。今喜到仙都。盡得煙霞景。方知手筆麤。

擎天成一柱鎮地出三吳苔片封車轍運香泛鼎湖
占風來海國迎日上雲衢似筍千尋直如藍四面鋪
秀能通造化高豈碍搏扶雷雨生巖竇星辰遶藥爐
金華慚叱石玉女望投壺觀古壇尤在碑荒字半無
未曾迷阮肇何僂醉麻姑塵外標名異空中立影孤
笑秦銘秦嶽嫌舜葬蒼梧夏月風長滿秋霜草不枯
步虛吟羽客滴翠濕樵夫獨稱瀛洲侶吟看典郡符

又

瀛洲風月十年餘東出雲堂典郡符更到煙霞最深
處分明景物是仙都

郡守陳若拙

發地便擎天根盤數畝烟化工成突兀轍迹似雕鐫
峭拔殊無倚孤高衆莫肩軒轅從此去知復幾千年
著作佐郎兩浙運使柳紳

獨出諸峯表同圍一丈圓千尋雄鎮地萬仞上擎天
湖浪動星際荷花生日邊終當駕雲鶴絕頂會神仙
湖志道

仙都古洞天雲閣高嶸嶸新宮欣然成碧瓦煤鱗列
我時宿禁房六月失煩熱松聲起中夜夢枕忽驚輟
天籟鳴虛徐玉簫遞冷徹鳳歌諧律呂鶴舞想應節

安知非郡仙宴罷搖珮玦從來箏笛耳一洗萬想滅
已上夜宿仙都聞松聲間發音韻琅琅飄然若鏗鏘
環珮早起識之

李侯神仙才宇宙在其手古篆誇雄奇鐵柱貫金鈕
標榜黃帝祠字畫氣渾厚想當落筆時雲夢吞八九
每傳風雨夜蜿蜒龍蛇走光怪發巖竇草木潤不朽
鬼物煩撫訶一旦忽失守隨煙遽飛騰無復世間有
因訪山中人石刻尚仍舊誰能一新之易若運諸肘
右黃帝祠字 李陽冰篆

休說神仙事眇茫出遊塵世且和光誰知今日真樓

地便是他年羽化鄉朝罷王壇雲滿袖夢回金闕月
侵廊茲游似覺青冥上隱隱微聞詠洞章

右隱真堂

黃帝乘雲至帝鄉空留轍迹鎖宮蒼茫茫丹鼎知何
在曳曳霓旌不可望乞得溪山增氣象真成草木被
恩光我來睇目憑欄久是可無情憶楚襄

右望雪閣

百年日月馬上過贏得閑中可理生絳闕清都非渺
漠寸田尺宅得經營默存長使三宮在急守須防五
嶽頃他日功成定仙去願隨風馭到蓬瀛

右可理室

幾年困塵鞅厥狀浸成俗比來夢魂清勝賞得林麓
群峯綰烟鬟炯炯皆在目寒碧冷相射秀氣還可掬
哦詩三伏中清風起幽谷只恐吹我衣化為雲錦服
汗流籍湜輩上下相追逐

右競秀軒

仙家日月遲春物長芳菲欲擷瓊瑤英咀嚼雲腴肥
只恐花霧深香氣濕我衣坐哦心未愜歸夢遶巖扉
右擷芳軒上清之章曰擷芳長引八塞林

曉誦黃庭經暮歌紫芝曲若欲童子顏軒中勤練玉羽

衣絡霞青雲鬢顏鬢綠功用信如此許庶可追妙躅

右練玉軒

紫微夫人之執曰慶雲
經丹爐練玉飛八瓊

門外無俗駕眼中有餘清上登堯堯闕八憲皆虛明
三光煥爾照萬象無隱情試觀弄丹筆雲篆俱天成

右煥照室

黃庭經曰三光
煥照入子室

升巍躡層巔雲陞近百尺平生塵土足到此還幾歷
有巖中桴然斧鑿若天劃玉泉出石罅雨點散寒碧
我來供茗事松鼎煮瓊液餘甘生齒頰可以醒醉魄
永懷鶴髮翁謂周景復
嘗居於此四顧但空壁似聞便仙去山
間謾留舄

右仙水洞

好山如故人欣然見眉宇又如梳曉鬟紅綠相媚嫵
况茲愛山者握筆喜臨賦有巖巉然開欲陟縱蹇步
清游亦不惡勝境得飽飯掃石坐晚涼濃翠濕冠履
好花續春遲紛紛雜紅霧仙家在何許恐入桃源誤
竟為彌日留直待山月吐謾尋流水歸不記來時路

右忘歸洞

山嵐鬱蒼蒼溪水流浩浩紛然世上人換易如秋草
奇哉三洞天連路極深竊陽崖射朝曦先見扶桑曉
誰能餐九華顏色端使好仙翁蟬蛻去遺迹不可考

我來愜登臨幽事費尋討悲嘯聞澗猿咽嘶聽啼鳥
平生憤懣憶到此始一掃行將袖手版汗漫游八表

右初陽谷叙又名倪洞

茲山何巍巍欲上捫蘿爲怪石虎踞蹲老卉此天矯
中有古洞天劃然若天造爰從開闢來日月自昏曉
神龍此蟄蟠雪玉吐淅淅每逢歲旱乾山老必見禱
顧盼層雲生掀舞百川倒何時謝魚蝦昂霄騰浩渺

右龍泓洞

今名雙龍洞

郡守劉參

古帝此登仙霓旌不復還孤標蒼嶺外屹立紫煙間
上下形端挂周迴影轉環根疑連海嶠頂欲突天關

蓬出湖心迥苔漫轍迹斑傍存鍊丹釜低瞰步虛山
狼狽何能到鸞鳳自可攀盡矜名手甚吟怯鉅題艱
鴈蕩非靈異蘭巖鄙宴閑縉雲遊覽處勝槩甲人寰

邑簿校書郎毛惟瞻

峭拔神仙宅來尋煙水重深應盤九地高不讓群峯
瞻對奇勝盡捫緣直豈容幾時蓮葉下終古薜紋封
往事空難問無言路有蹤橘山杳何處侍從此攀龍
轉運使蘇舜元才翁

龍車風輦入瑤天轍迹高懸不可攀唯有風吹鼎湖
水青蓮花葉落人間

兩浙察訪使吳興沈括存中

苔封輦路上青山鶴馭遼天去不還惟有銀河秋月
夜鼎湖煙浪到人間

邑人國子司業胡份子文

鳥道盤空上松根抱石生羽人分兩舍難犬自聞聲

兩浙提刑濡須楊傑次公

首三

有路入仙都何人到鼎湖秋風夜來急吹落碧蓮無

又

問路從黃碧穿雲入紫清林間松化石門外玉為城

又

道士非愛山出家今已老雖知車轍跡不識龍髯草

郡守劉經巨濟

石城雲屋抱浮丘正是真人舊括州會擲仙圖爭少
勝不知身到洞天遊

津陽王鏐

題黃帝祠字

大觀

我渡溪水尋荒村郡峯勢若萬馬奔酣酣春色雪初
霽霽霽野氣山猶昏瓊樓金闕滌地盡松柏半帶斤
斧痕要還清淨掃塵濁一炬劫火安得焚行人鞠躬
下馬拜仙都妙理吾能言威神可畏凜如在有臺今
亦祠軒轅當年垂衣正南面制作取盡乾與坤鑿開

鴻濛肇人紀首為區宇立本根風后力牧來聯翩神
機開闢施無垠初傳問道廣成子後乃密契中皇君
功高德大不可擬幾與造物分遺恩遙遙唐堯逮炎
運萬年聖子兼神係至人御世用常道飛升輕舉安
足論爰從一氣生萬物奈何已把天人分伏羲八卦
畫已破女媧欲補理亦繁飄然獨返清郎去却歛造
化歸全渾廟前仙石表今古屹立霄壤爭雄尊鼎湖
可望不可見意令後世難攀援頂中玄官號泥丸自
然有路朝天闕此身內外神氣合俯仰自超生死門
默運四時無詭異試觀日月誰吐吞祗今湖邊送風

雨草木吹動旗與旛飄落十丈紅
齒齒碧溪下挿玻璃
盆馬啼車轍百頃有雖迷襄野道
自存巖泉夜發
百谷響洞庭樂聲猶可聞山川古
色藏妙意誰與聞
滌明根源我談希夷返淳朴不假
辯說波濤翻

郡人湖北提舉胡升子上

鼎湖不可見巍然但孤峯特立旦
萬古氣壓諸山雄
黃帝久得仙游行跨飛龍至今世
俗傳尚指輦路通
頗知昇天檜追求白鹿蹤常言貴
荒唐厥見真兒童
顧惟此山奇實宜仙所宮水聲來
冷風和以萬本松
客枕久本穩笙簫滿虛空頗疑九
成音不在二典中

但恐蚩尤旗曄曄舒長虹雖能獨不死忍視斯民窮
君看涿鹿戰萬古蒙其功鼎湖何足道帝德彌蒼穹

通判延陵丁宗旦

紹興

世上洞天三十六縉雲第二十九區古木参天架雲
屋總真靈迹號仙都獨峯壁立二十尺凌空聳翠屹
然孤仰瞻絕頂煙嵐際曾開函室名鼎湖舊說軒轅
駐車轍雲駢風馭經此塗石釜鍊竈丹砂就乘龍帝鄉
繞須臾紫虛碧落超塵世侍臣無路攀龍鬚唐朝天
子仙李喬德格天心來瑞符祥煙嘉氣鄉雲布山中
九傳萬歲呼步虛對峙雲斷續東西互雲高下殊澗

邊幽徑登島道上有鏡巖如方壺巖中乳水瀝嵌罅
滴石成穴如仰盂水一晝夜斛加半潦不泛溢旱不
枯魯望曾記周景復絕粒餐霞黃老徒棲真妙少懸
殊會八十餘年隱此居千古寥寥桑海變仙跡渺邈
還有無石門瀑布雖云好此間殊勝未易俱特然造
化鍾神秀虎頭妙手亦難圖

事跡出於圖經古詩

郎中錢塘吳說傳朋

佳佳從來說鼎湖茲遊真欲到清都參天玉筍千尋
許墮地金蓮十丈無江觀便思眠一柱海山今喜識
方壺直須買取鷺城綃要畫滄洲水墨圖

上饒韓元吉南澗先生

三首同

檻外風高霜月明
步虛山裏步虛聲
罷琴刻燭初長夜
又得人間一夢清

封禪空餘不死名
華清宮裏望長生
閑雲布作人間瑞
更有山呼萬歲聲

龍虎驅馳戰阪泉
荆山鼎就更升天
軒轅到處存遺跡
忍使君王不學仙

運使李士舉

道出仙都下溪深草木閑
陰晴老農事豐稔此心關

又

四海無塵戰馬閑
稻梁桑柘綠田環
不知盡是君王力
華屋重重對好山
已上通仙郡
徐氏山居見舊牘
蒼續集今郡志云文公作誤也

郡守陽夏謝伋景惠和

盜節光華遠
輶車那得閑
諮詢元有急
省飲亦相關
去住存高咏
晴陰對好山
深慙廉郡綬
仙境不同攀

又

蒼倪扶杖小童閑
遶舍清溪碧水環
爭看赤帷仍避
傳靜無桴鼓
愛青山

浙東提舉朱熹晦菴先生

追和徐氏
山居韻

出岫孤雲意自閑不妨王事似連環
解鞍盤礴忘歸去碧澗修筠似故山

郡人吳謹微遊仙都五首

薄宦驅人畏簡書金柔著濁僂征途
歸來有意尋真境路入仙都不憚迂

轍蹟峯前聊息跡忘歸洞口未能歸
往來名利憧憧者著脚仙都亦自稀

黃冠道士老而癯相對談玄一事無
勸我莫教沉宦海人間亦自有仙都

石筍古傳八百丈鼎湖仙去幾千年我疑二事無從
政但信仙都是洞天

山下霏微雨洒塵門前嘹唳鶴迎人遂成一覺仙都
夢更訪遺蹤得隱真

郡守許尹覺民和

紹興

仙都蹤跡想遺書我欲歸時更問途忽得新詩如見
畫山蹊野徑不須過
山中鶴怨無尋處洞口雲歸未得歸憶著仙都舊時
路石梁苔滋履痕稀

玉貌仙人老不癯世間榮辱此中無煙雲昨夜微銷

樂似怪題與車騎都

黃帝得仙從此去鼎湖傳說幾經年龍髯墮地成春
草直到如今不上天

桃源歸路淨無塵只是當時避世人仙事茫茫類如
此鼎湖轍跡恐非真

郡守吳芾追和

來訪仙都古玉虛山前有客指迷途煙霞渺渺孤峯
絕松竹森森一逕迂

策杖行行入翠微步虛山下久忘歸幽樓宜有林中
士何事斯人近世稀

開道山巔有鼎湖蓮花還似舊時無
軒轅去後空車轍疑此山川即舊都

人已乘龍去不還尚餘雙鶴不知年
坐來頓覺塵寰隔始信壺中別有人

登覽茲山古到今流傳今有幾何人
如君聖蹟懸知少況有新詩為寫真

仙都志卷下